

Акафист Архангелу Божию Михаилу

Составлен святителем Иннокентием Херсонским. Одобрен в 1854 г.

Память: 19 сентября (06 сентября ст. ст.); 21 ноября (08 ноября ст. ст.)

Утвержден для общецерковного использования.

Кондак 1.

Нзбранный Небесных сил воеводо и рода человеческого заступниче, сиё тебе иже тобою от скорбных избавляеми, благодарственное приносим пение: ты же, яко предстоиши Престолу Царя Славы, от всяких нас бед свободай, да с верою и любовию в похвалу тебе зовём:

Радуйся, Михайле, великий Архистратиге, со всеми Небесными силами.

Икос 1.

Яко ангельских огнезрачных ликом предстоителя, ангельскими убо и языки подобаше восхвалити тя, Михайле: но дондеже вразумляеми тобою навикнем безплотных глаголом, услыши, аще и от человеческих, обаче благодарных устен, сицевая:

Радуйся, звездó мира первообразная; радуйся, свещё истины и правды златозарная.

Радуйся, лучей света несозданнаго первый во ангельских ликостояниях приемниче; радуйся, Ангелов и Архангелов начальниче.

Радуйся, в нёмже наивящше светлётся слава Творческа Десницы; радуйся, имже красуются соборы всех существ безплотных.

Радуйся, Михайле, великий Архистратиге, со всеми Небесными силами.

Кондак 2.

Провідающе вѣры очесами величїе духовныя красоты и силу молниеносныя десницы твоея, Архангеле Божий, мы, яко земнии и плотию обложени, удивлением, радостію и благодарением ко Творцу всяческих исполняемъ, зовуще со всеми Небесными силами: Аллилуиа.

Икос 2.

Разум чист и свободен от страстей испроси нам, пречудный Михайле, Небесных чинѡв начальниче, да, вознесшеся мыслию от земных к Небесным, хвалѣбную пѣснь воспоем ти сице:

Радуйся, Божия неизреченныя красоты и доброты ближайший зрителю; радуйся, всеблагих советѡв Пресвятыя Троицы преискренний тайнниче.

Радуйся, превѣчных судѣб Троических вѣрный исполнитель; радуйся, емуже с любовью удивляются Небесная воинства.

Радуйся, егѡже с вѣрою прославляют земнороднии; радуйся, егѡже трепещут адскія силы.

Радуйся, Михайле, великий Архистратїже, со всеми Небесными силами.

Кондак 3.

Силу необоримыя ревности по славе Божией в себѣ являя, стал еси во главѣ ликѡв ангельских, Михайле, противу дышащаго злобою, прегордаго денницы, емуже со темными клеветы егѡ с высоты небесныя в преисподнюю низвержену сущу, воинства Небесная, тобою преславне водимая, с веселием, яко едиными усты, пред Престолом Божиим возгласиша: Аллилуиа.

Икос 3.

Имать тебѣ, Архангеле Михайле, весь род христианский велика заступника и дивна во бранех с противными помощника: сего ради пречуднаго покровя твоегѡ сподобитися желаяще, в день торжества твоегѡ взываем ти сице:

Рáдуйся, їмже сатанá, я́ко мо́лния, с Небесé низвѣржеса; раду́йся, їмже храни́мый ро́д челове́ческий к Небесі́ восхо́дит.

Рáдуйся, всесвѣтлаго мі́ра Го́рняго преді́вное украше́ние; раду́йся, па́дшаго мі́ра до́льняго пресла́вное заступле́ние.

Рáдуйся, нико́лиже си́лами зла́ побеждѣнный; раду́йся, со все́ми А́нгелы Бо́жиими во і́стине и пра́вде на ве́ки благода́тию Бо́жиею утверждѣнный.

Рáдуйся, Михаі́ле, вели́кий Архистрати́же, со все́ми Небѣ́сными си́лами.

Конда́к 4.

Бу́ри искуше́ний и бе́д изба́ви нас, А́нгелов первопресто́льниче, с лю́бовию и радо́стию пресвѣ́тлое торже́ство твоѐ соверша́ющих: ты́ бо еси́ в беда́х вели́кий помо́щник и в ча́с сме́рти от злы́х духо́в храни́тель и засту́пник все́х вопи́ющих твоemú и на́шему Влады́це и Бо́гу: Аллилу́иа.

Ї́кос 4.

Видя́ще твоѐ проти́ву по́лчищ сатани́нских дерзнове́ние, всі́ чинове а́нгельстии с радо́стию подвиго́шася восле́д тебе́ на бра́нь за і́мя и сла́ву свое́го Влады́ки, вопи́юще: кто́ я́ко Бо́г? Мы́ же, ве́дуще сатану́ под нога́ма твоі́ма пове́ржена, тебе́, я́ко победи́телю, зове́м:

Рáдуйся, їмже ми́р и тишина́ на Небесі́ водвори́шася; раду́йся, от него́же ду́хове зло́бы да́же до а́да низложи́шася.

Рáдуйся, а́нгельския во́инства и си́лы мі́ра невидима́го ко истребле́нию зла́ направля́я; раду́йся, прію́ и возмуще́ние стихі́й мі́ра ви́димаго незримо́ укроща́я.

Рáдуйся, поды́млющих бра́нь к духо́вом зло́бы поднебѣ́сным дивный спобо́рниче; раду́йся, изнемога́ющих во искуше́ниях и напáстех ве́ка сего́ кре́пкий помо́щниче.

Рáдуйся, Михаі́ле, вели́кий Архистрати́же, со все́ми Небѣ́сными си́лами.

Конда́к 5.

Боготочный источник превеликих чудес явился еси во храме твоём, иже в Хóнех; не то́чию бо змíй великий и стра́шный, на мѣсте то́м пребыва́вый, си́лою тво́ею потребíся, но и стру́й водны́я, всякий недúг телесный врачующия, открýшася, да вси прославля́ющему тя Влады́ще А́нгелов с ве́рою зову́т: Аллилу́иа.

И́кос 5.

Слы́шаще и ве́дуще тя́ яко свети́ло вели́кое, посреде́ ликóв а́нгельских блиста́ющая, пречу́дный Миха́йле, к тебе́, по Бо́зе и Пресвяте́й Ма́тери Бо́жией, прибега́ем: озари́ луча́ми све́та твоего́ все́х на́с, вопи́ющих ти́ си́це:

Ра́дуйся, вождю́ и храните́лю в пусты́ни наро́да богоизбра́ннаго; ра́дуйся, высо́кий посре́днице зако́на, руко́ю Моисе́а на Сина́и да́ннаго.

Ра́дуйся, у него́же суди́й и вожди́ Изра́илевы си́лу и покрóв обрета́ху; ра́дуйся, чрез него́же проро́цы и первосвяще́нницы иуде́йстии да́р ве́дения от всеве́дущаго Бо́га приима́ху.

Ра́дуйся, богобоя́зненныя законода́вцы та́йною премúдростию снабде́ваяй; ра́дуйся, су́д и пра́вду творя́щим бла́гость на се́рдце полага́яй.

Ра́дуйся, Миха́йле, вели́кий Архистрати́же, со все́ми Небе́сными си́лами.

Конда́к 6.

Провозве́стника тя́ Бо́жиих суде́б егда́ узре́ некогда́ Манóе, недоуме́ния и стра́ха испо́лнися, мня́ не жи́ти ктому́ на земли́; науче́н же от жены́ свое́я о бла́гости явле́ния и крóтости словес тво́их, в ра́дости о имевшем роди́тися, по словеси́ твоему́, сы́не своему́ Сампсо́не, благода́рне возопи́ Бо́гу: Аллилу́иа.

И́кос 6.

Позсиял еси пречудно славою, Михайле, егда во образе человечесте пред Иисусом Навином стал еси, глаголя: Иззуй сапог с ногу твою: аз есмь Архистратиг силы Господни. Таковому явлению твоему чудящися, с любовию вопиём ти:

Радуйся, боговенчанных глав неусыпный охранителю; радуйся, противляющихся власти, яко Божию повелению противящихся, скорый низложителю.

Радуйся, усмирителю народных треволнений; радуйся, незримый упразднителю злочестивых обычаев.

Радуйся, яко ты просвещаеши сомнящихся в час лютых недоумений; радуйся, яко ты исхищаеши искушаемых от пагубоносных наваждений.

Радуйся, Михайле, великий Архистратиге, со всеми Небесными силами.

Кондак 7.

Хотяй Владыка всяческих показати, яко жребии сынов человеческих не самослучайнии суть, но в деснице Его вину содержатся, даде ты царствам земным заступника и хранителя, да племена и народы к вечному Царствию Божию уготовляеши; сего ради вси, ведущии о велицем служении твоём спасению человеческому, благодарне зовут Богу: Аллилуиа.

Икос 7.

Новая чудеса покажи нам, Архистратиге, тобою на земли всех чудес Творец и Владыка, егда храм, во имя твоё созданный, от потопления водами речными дивно спасл еси, струям потока в недра земная устремитися повелевый: еже видя блаженный Архипп с духовными чады своими, благодарне к тебе возопи:

Радуйся, святых храмов Божиих несокрушимая оградо; радуйся, врагом веры Христовы необоримая преградо.

Радуйся, егже велению стихии покаряются; радуйся, имже вси злобнии замыслы сокрушаются.

Ра́дуйся, ве́рным ра́дость от Престо́ла Вседержи́теля износя́щий; ра́дуйся, неве́рных на стезю́ пра́вды и и́стины приводя́щий.

Ра́дуйся, Михаи́ле, вели́кий Архистрати́же, со все́ми Небе́сными си́лами.

Конда́к 8.

Стра́нное чу́до си́лы твоея́, Архистрати́же Бо́жий, уве́де на себе́ Авваку́м, егда́ по ма́нию Бо́жию восхитив, прине́сл еси́ его́ скороте́чне от Иуде́и в Вавило́н, да́ти пи́щу Дани́илу, в ро́ве со львы́ заключе́ну: те́мже уди́влься превели́кому де́йствию си́лы твоея́, возопи́ с ве́рою: Аллилу́иа.

И́кос 8.

Ве́сь еси́ в вы́шних, Михаи́ле, Престо́лу Царя́ Сла́вы предсто́яй, не дале́к еси́ и от ни́жних, ра́туя вѣну со врага́ми спасе́ния челове́ческаго: те́мже все́и вожде́леннаго Оте́чества Небе́снаго дости́гнути хотя́щии согла́сно тебе́ зову́т:

Ра́дуйся, нача́льниче трисвята́го а́нгельскаго пе́ния; ра́дуйся, земноро́дных при́сно гото́вый предста́телю и храни́телю.

Ра́дуйся, прегорда́го фарао́на с неве́рными египтяны́ порази́вый страннообра́зно; ра́дуйся, ве́рныя иуде́и путево́дивый в пусты́ни пресла́вно.

Ра́дуйся, имже угаси́ся пла́мень пещи́ вавило́нския; ра́дуйся, имже посрами́шася ко́зни бесо́вския.

Ра́дуйся, Михаи́ле, вели́кий Архистрати́же, со все́ми Небе́сными си́лами.

Конда́к 9.

Вси́ ино́цы Святы́я Горы́ Афони́ския в ра́достный трѣпет приидо́ша, ви́дяще, ка́ко богобо́язненна о́трока, неисто́вно от нечести́вых златолю́бцев во глубину́ морску́ю с ка́менем пове́ржена, спа́сл еси́: те́мже прия́вшая его́ оби́тель, и́менем твои́м красу́ющися, благода́рне взыва́ет ко Го́споду: Аллилу́иа.

Їкос 9.

Ретій глаголы и любомудров смбслы не довлѣют ко изглаголанію сілы твоея, Михайле, како во едіну нощь сто осмьдесят и пять тысящ поразил еси от воев царя ассирийска Сеннахиріма, да накажется прочее не хулити имя Господне: мы же, почитающе святую ревность твою о славе Бога Истиннаго, с веселием зовем ти сице:

Радуйся, православных воинств непобедимый воеводо; радуйся, зловерных ратей страх и низложение.

Радуйся, правыя веры и богочитания насадителю; радуйся, душевредных ересей и расколов искоренителю.

Радуйся, благочестивыя Маккавеи на поле брани многажды укрепивый; радуйся, нечестиваго вождя Антиохова Илиодора в самом храме поразивый.

Радуйся, Михайле, великий Архистратиге, со всеми Небесными силами.

Кондак 10.

Спастися хотящим нам буди помощник тверд, Архистратиге Божий, избавляяй и храняй нас от бед и напастей, паче же от злых навыков и грехов наших, да, преспевающе в вере, надежде и любви Христове, с радостью о предивнем заступлении твоём, ко Владыце Ангелов и человеков благодарне зовем: Аллилуиа.

Їкос 10.

Стена еси верующим человеком, Архистратиге Божий, и столп крепок во бранех со врагами видимыми и невидимыми: сего ради от сетей бесовских тобою избавляеми, благодарным сердцем и усты зовем сице:

Радуйся, врагом веры и сопротивником Святыя Церкви непобедимый противоборниче; радуйся, смиренным провозвестником Евангелия неутомимый споспешниче.

Радуйся, во тьме зловерия сидящих светом веры Христовы просве-

щайя; радуйся, лжемудрием обьюродевших на стезю истины и покаяния наставляяй.

Радуйся, грозный отмстителю клянущимся именем Божиим все; радуйся, молниеносный карателю глумящихся безумне о таинствах святая веры.

Радуйся, Михайле, великий Архистратиге, со всеми Небесными силами.

Кондак 11.

Пение всякое хвалёбное побеждается множеством чудес твоих, Архистратиге Божий, яже совершена суть тобою не точию на Небеси и на земли, но и в тёмных сёнех преисподней, идеже глубиннаго змия связал еси узами силы Господни, да избавляеми от злобы его благословят Владыку Небес и земли, зовуще: Аллилуиа.

Икос 11.

Светоносный служитель истины и чистоты богопочитания явился еси, Архистратиге, егда, провидя козни духа тьмы, воспретил еси ему именем Божиим, да не дерзнет сокровенное тело почившаго вождя Израилева Моисеа явити ко обожению чувственным сыновом Израилевым: сего ради, чтуще ныне благосветлый собор твой, благодарне вопием ти:

Радуйся, чистоту боговедения во дни Ветхаго Завета среди иудеев сохранивый; радуйся, плевелы заблуждений во дни Новья благодати многожды искоренивый.

Радуйся, языческих прорицалищ и кумиров истребителю; радуйся, христианских подвижников и страстотерпцев укрепителю.

Радуйся, немощныя духом силою благодати Божией исполняяй; радуйся, изнемогающия плотию всеоружием веры облакаяй.

Радуйся, Михайле, великий Архистратиге, со всеми Небесными силами.

Кондак 12.

Б лагодать от Бóга с Небесé испросí нам, поющим во славу всечестнаго íмене твоего, Михайле, да, осеняеми твоим заступлением, во всяком благочестии и чистотé поживём, дóндеже, отрешеннии смёртию от úз плóти, сподóбимся предстáти огнезрáчному Престóлу Царя Славы и с лiки áнгельскими возопiти: Аллилiуиа.

Икос 12.

П оюще многообразная твоя чудеса, Михайле, во спасение наше содеянная, молим Гóспода и Владыку всяческих, да дýх рéвности по славе Бóжией, íже в тебе, николиже оскудеет и в нас, зовущих тi síце:

Рáдуйся, вёрных рабóв Бóжих во время благопотрéбно на высоту власти предiвне поставляяй; рáдуйся, продёрзых и недостóйных с высоты síлы и славы незрiмо низлагаяй.

Рáдуйся, в день послéдний избранных от четырёх концéв земли имей собрати; рáдуйся, íмже грéшнии, яко плéвелы, по гласу Бóжию, огню вéчному прédани бóдут.

Рáдуйся, íмже сатанá со áггелы его во ёзеро óгненное на вéки повергнется; рáдуйся, íмже праведнии во обителех Отца Небеснаго преславне водворятся.

Рáдуйся, Михайле, великий Архистратiже, со всеми Небесными силами.

Кондак 13.

И пречудный Архáнгелов и Áнгелов начальниче, за предiвное служение твоё спасению рóда человеческого приими от нас возносимый к тебе ныне глас хвалы и благодарения, и яко испóльнь síлы Бóжией, покрый нас невещественными крилóма твоими от всех враг видимых и невидимых, да прославляемому тобою и прославившему тя Гóсподу вiну зовём: Аллилiуиа.

Этот кондак читается трижды, затем 1-й икос и 1-й кондак.

Икос 1.

Яко а́нгельских огнезра́чных лико́в предста́теля, а́нгельскими у́бо и язы́ки подоба́ше восхвалі́ти тя́, Михаі́ле: но до́ндеже вразумля́еми тобо́ю навы́кнем безплóтных глаго́лом, услы́ши, а́ще и от челове́ческих, о́баче благодарных усте́н, сицева́я:

Ра́дуйся, звездó мі́ра первообра́зная; ра́дуйся, свещé і́стины и пра́вды златоза́рная.

Ра́дуйся, луче́й све́та несозда́ннаго пе́рвый во а́нгельских ликоста́яниих прие́мниче; ра́дуйся, А́нгелов и Арха́нгелов нача́льниче.

Ра́дуйся, в не́мже наивя́щше светле́ется сла́ва Тво́рческа́я Десни́цы; ра́дуйся, і́мже красу́ются собо́ры все́х существ безплóтных.

Ра́дуйся, Михаі́ле, вели́кий Архистрати́же, со все́ми Небе́сными си́лами.

Конда́к 1.

Избра́нный Небе́сных си́л воево́до и ро́да челове́ческаго засту́пниче, сие́ тебе́ і́же тобо́ю от ско́рбных избавля́еми, благодарственное прино́сим пéние: ты́ же, я́ко предста́й Престо́лу Царя́ Сла́вы, от все́й нас бе́д свобождáй, да с ве́рою и любóвию в похвалу́ тебе́ зове́м:

Ра́дуйся, Михаі́ле, вели́кий Архистрати́же, со все́ми Небе́сными си́лами.

Моли́тва.

Святы́й и вели́кий Арха́нгеле Бо́жий Михаі́ле, неисповеді́мая и пресу́щественная Трóицы пе́рвый во А́нгелех предста́телю, ро́да же челове́ческаго приста́вниче и храні́телю, сокруши́вый с во́инства свои́ми главу́ прегóрдаго Денни́цы на Небеси́ и посрамля́яй вы́ну зло́бу и кова́рства егó на земли́! К тебе́ прибега́ем с ве́рою и тебе́ мо́лимся с любóвию: бу́ди щі́т несокруши́м и забра́ло твёрдо Святе́й Цéркви и Правосла́вному Оте́честву на́шему, огражда́я і́х молниенóсным мечéм тво́им от все́х вра́г, ви́димых и неви́димых. Не оста́ви же, о Арха́нгеле Бо́жий, по́мощию и заступле́нием тво́им и нас, прославля́ющих днёсь свято́е і́мя твоё: се́ бо, а́ще и многогрéшни есмы́, о́баче не хо́щем в беззакóнных на́ших погй́бнути, но е́же обрати́тися ко Го́споду и оживле́нным бы́ти от

Него на дела благая. Озарй убо ум наш светом лица Божия, иже вину сияет на молниевидном челе твоём, да возможем разумети, что есть воля Божия о нас благая и совершенная, и веди вся, яже подобает нам творити и яже презирати и оставляти. Укрепй благодатию Господнею слабую волю и немощное произволение наше, да, утвердившись в законе Господнем, престанем прочее влятися земными помысли и похотении плоти, увлекающемся, по подобию несмысленных детей, скорогубными красотами мира сего, яко ради тленного и земного безумне забывати вечная и небесная. Над всеми же сими испроси нам Свыше дух истинного покаяния, нелицемерную печаль по Боже и сокрушение о гресех наших, да остающее нам число дней временного живота нашего иждивем не во угождении чувств и работе страстем нашим, но во изглаждении зол, содеянных нами, слезами веры и сокрушения сердечного, подвигами чистоты и святыми делами милосердия. Егда же приблизится час окончания нашего, освобождения от уз бренного сего телесе, не остави нас, Архангеле Божий, беззащитных противу духов злобы поднебесных, обыкших преграждати душе человечесей восход в горняя, да, охраняеми тобою, безпреткновенне достигнем оных преславных селений райских, идеже несть печаль, ни воздыхание, но жизнь безконечная, и, сподобльшись узрети пресветлое лице Всеблагого Господа и Владыки нашего, падше со слезами у ног Его, в радости и умилении воскликнем: слава Тебе, дражайший Искупителю наш, Иже за премногую любовь Твою к нам, недостойным, благоволил еси послати Ангелы Твоя в служение спасению нашему! Аминь.